

KERATAN AKHBAR-AKHBAR TEMPATAN
TARIKH: 16 JUN 2016 (KHAMIS)

Bil	Tajuk	Akhbar
1.	Melaka bakal jadi bandar raya pintar	Berita Harian
2.	Mimos dan Mith bekerjasama untuk bangunkan bandar raya pintar Melaka	BERNAMA
3.	Technology Park Malaysia sumbang keperluan komputer kepada SMK Raja Perempuan Kelsom	BERNAMA

Melaka bakal jadi bandar raya pintar

➔ MICTH
guna pakai
teknologi
MIMOS
laksana projek

Oleh Nurul Fhatihah
Zakian
fhatihah@bh.com.my

➔ Ayer Keroh

Melaka bakal menjadi bandar raya pintar pertama di peringkat negeri apabila bermulanya kemudahan infrastruktur berteknologi tinggi dalam tempoh dua tahun lagi.

Kemudahan pintar berkonsepkan ekosistem inovasi terbuka pusat pengguna (user-centric open innovation ecosystem) itu bakal direalisasikan menerusi kerjasama anak syarikat kerajaan negeri, Melaka ICT Holdings Bhd (MICTH) dan agensi penyelidikan teknologi maklumat (ICT) di bawah Kementerian Sains, Teknologi dan Inovasi, MIMOS Bhd (MIMOS).

Ketua Menteri, Datuk Seri Idris Haron, berkata kedua-dua pihak berkenaan akan membangunkan kerangka inovasi terbuka sebagai platform industri bagi menyediakan pelbagai perkhidmatan bandar raya pintar di negeri itu.



Pelaksanaan ini sekali gus akan dapat mengoptimalkan perkhidmatan perbandaran, meningkatkan kelancaran lalu lintas, pengangkutan awam lebih cekap dan mengurangkan impak negatif alam sekitar di Melaka.

Idris Haron,
Ketua Menteri Melaka

"Pihak MICTH akan mengguna pakai teknologi MIMOS dengan mengkaji ekosistem inovasi terbuka ke arah melaksanakan projek ini, manakala MIMOS pula berperanan sebagai penyedia teknologi dalam membangunkan kerangka inovasi terbuka.

"Pelaksanaan ini sekali gus akan dapat mengoptimalkan perkhidmatan perbandaran, meningkatkan kelancaran lalu lintas, pengangkutan awam lebih cekap dan mengurangkan impak negatif alam sekitar di Melaka," katanya.

Sedia Infrastruktur

Beliau berkata demikian selepas menyaksikan perjanjian persefahaman (MoU) antara MICTH dan MIMOS di Seri Negeri, di sini, semalam.

MICTH diwakili Ketua Pegawai Eksekutifnya, Zainal Abidin Ismail, manakala MIMOS oleh Presiden merangkap Ketua Pegawai Eksekutifnya, Datuk Abdul Wahab Abdullah.

Sementara itu, Abdul Wahab berkata, pihaknya akan membekalkan tiga teknologi terkini kepada MICTH yang akan dapat membantu membangunkan kemudahan infrastruktur pintar di negeri itu.

"Ia antaranya menyediakan infrastruktur dan utiliti yang boleh menaik taraf liputan di kawasan tertentu.

"Selain itu, perisian data analitik yang besar dan sistem aplikasi (large enterprise system) yang mampu menyokong proses penyediaan pelbagai perkhidmatan ini," katanya.



[FOTO MUHAMMAD HATIM AB MANAN/BH]

Idris menyaksikan pertukaran dokumen antara Zainal Abidin (tiga dari kiri) dan Abdul Wahab pada majlis menandatangani memorandum persefahaman (MoU) di Seri Negeri, Ayer Keroh, Melaka, semalam.



Mimos Dan MictH Bekerjasama Untuk Bangunkan Bandar Raya Pintar Melaka

MELAKA, 15 Jun (Bernama) -- [MIMOS Berhad \(MIMOS\)](#) dan anak syarikat kerajaan negeri Melaka iaitu Melaka ICT Holdings Sdn Bhd (MICTH) menjalin kerjasama untuk membangunkan bandar raya pintar di negeri ini.

[Presiden dan Ketua Pegawai Eksekutif MIMOS Datuk Abdul Wahab Abdullah](#) berkata syarikat itu akan memainkan peranan sebagai penyedia teknologi dengan membekalkan tiga teknologi asas iaitu liputan telekomunikasi, analisis data dan pembangunan sistem peringkat kementerian.

Melalui kerjasama itu juga, MIMOS akan membangunkan 'kerangka inovasi terbuka' iaitu platform yang membenarkan penyertaan industri dalam bandar raya pintar tersebut.



Technology Park Malaysia Sumbang Keperluan Komputer Kepada SMK Raja Perempuan Kelsom

KUALA KANGSAR, 15 Jun (Bernama) -- [Technology Park Malaysia Corporation Sdn Bhd \(TPM\)](#) menyumbang lima buah komputer, sebuah mesin pencetak serta menaja pakej internet selama tiga tahun bernilai lebih RM30,000 kepada Sekolah Menengah Kebangsaan (SMK) Raja Perempuan Kelsom di sini.

[Presiden dan Ketua Pegawai Eksekutif TPM, Datuk Mohd Azman Shahidin](#) berkata sumbangan tersebut sebahagian daripada program tanggungjawab sosial korporat (CSR) agensi itu membantu pelajar sekolah berasrama berkenaan meningkatkan pengetahuan dan keupayaan dalam bidang teknologi maklumat dan komunikasi (ICT).

"Untuk menjadi negara berstatus negara maju, Malaysia perlu mencapai kejayaan dan mempunyai kelebihan daya saing dalam pasaran global dengan memberi tumpuan serta menggalakkan generasi muda akan kepentingan sains, teknologi, kejuruteraan dan matematik pendidikan (STEM).